



Beasaingo Udala

BEASAINGO UDALAREN ETA GOIERRIKO HEDABIDEAK S.L.REN ARTEKO HITZARMENA DIRULAGUNTZA NOMINATIBOA JASOTZEKO

HONAKOAK BATZARTUTA:

Alde batetik, LEIRE ARTOLA UGALDE andrea, Beasaingo Udaleko Alkate- Presidentea, 35779121E NA zenbakiduna, BEASAINGO UDALAREN ordezkari gisa (IFK: P2002100B, hitzarmen honen helburuetarako helbidea: San Martin plaza, 1, PK 20200, Beasain), 7/85 Legeak, toki araubidearen oinarriak arautzen dituenak, 21. artikuluan esleitzen dizkion ahalmenak baliatuta, hitzarmen hau sinatzeko gaitasun osoarekin esku hartzen duena.

Bestalde, GOIERRIKO HEDABIDEAK S.L. B20848073 IFK zenbakiduna eta egoitza Beasainen duena, Oriamendi kaleko 32 zenbakian, egintza honetan Lierni Ormazabal Insausti andreak ordezkatuta, adinez nagusia dena, 72448259F NA zenbakiduna, helburu hauetarako helbidea Oriamendi kaleko 32 zenbakian duena.

Esku hartzaileek nahikoa gaitasun aitortzen diote elkarri egintza honetan ordezkatzen dituzten erakundeen izenean hitzarmen hau izenpetzeko eta, helburu horretarako,

HONAKO HAU ADIERAZI DUTE

- I) 38/2003 Legeak, diru laguntzen lege orokorrak, 22.2.a) artikuluan aurreikusten du toki erakundeen aurrekontuetan modu nominatiboan aurreikusitako diru laguntzak zuzenki emateko aukera.
- II) 38/2003 Legeak, diru laguntzen lege orokorrak, 28. artikuluan xedatzen du hitzarmena izango dela toki erakundeen aurrekontuetan modu nominatiboan aurreikusitako dirulaguntzak bideratzeko ohiko tresna.
- III) Beasaingo Udaleko 2022rako aurrekontuaren transferentzia arrunten eranskinean diru laguntza nominatibo bat aurreikusi da GOIERRIKO HEDABIDEAK S.L.-ren alde, Beasainen euskararen erabilera sendotzeko helburuarekin.
- IV) GOIERRIKO HEDABIDEAK-ek garatzen dituen jarduerak eta dirulaguntza honen xede direnak Beasaingo Udalaren dirulaguntzak emateko eskumen alorren barne daude, Beasaingo udalerrian euskararen erabilera normalizatzeko helburua duen proiektua baita eta, ondorioz, udalari dagokion eskumena da, honakoetan xedatutakoaren arabera: 7/85 Legeak, toki araubidearen oinarriak arautzen dituenak, 25.2.m) artikuluan xedatutakoa; 2/2016 Legeak, apirilaren 7koak, Euskadiko Toki Erakundeei buruzkoak, 17.1.26) artikuluan xedatutakoa; Beasaingo Udaleko 2022rako aurrekontuaren transferentzia arrunten eranskinean xedatutakoa; eta 2020-2022 Diru



Beasaingo Udala

Laguntzen Plan Estrategikoan xedatutakoa, Alkatetzaren 2019ko abenduaren 18ko B19/1681 Ebazpen bidez onartu zena, **EUSKARAREN ERABILERA NORMALIZATZEA** helburu estrategiko gisa ezarrita eta, hartara, diru laguntza hau 3. ildoaren 3.2 jarduketan barne hartuta.

Aurreko gutzia kontuan hartuta, lankidetzaz hitzarmen hau izenpetu da jarraian adierazitako klausulen arabera.

KLAUSULAK

LEHENA. HITZARMENAREN XEDEA.

Hitzarmen honen xedea da GOIERRIKO HEDABIDEAKI 41.814,00 euroko dirulaguntza nominatiboa ematea jarraian adierazitako jardueren garapen eta egikaritzetik eratorritako gastuen finantzaketan laguntzeko helburuarekin:

1. GOIERRIKO HITZA egunkaria

Paperezko edizioa astean 4 egunetan argitaratzen dute, asteartetik ostiralera, eta 8 orrialdeko egunkaria da. Astean 3 egunetan, asteartetik ostegunera, 8 orrialdeetatik 4 koloretan dira, eta ostiraletan egunkaria erabat koloretan da. Ostiraletan ere *Gipuzkoako Hitza*-rekin batera banatzen da, elkarrekin 24 orriko egunkaria osatuz.

Goierriko Hitzarekin batera goierri.hitza.eus webgunea ere lantzen dute.

2022. urtean Goierriko Hitzaren 182 publikazio ekoiztea aurreikusten dute.

Eta horiez gain ondorengo gehigarriak:

- Korrika gehigarria, martxoaren 31n
- Gazta gehigarria, apirilaren 13an
- Zegama-Aizkorri gehigarria, maiatzak 25
- Ehunmilak gehigarria, uztailak 6
- Ekologia gehigarria, irailak 14
- Etxebizitza gehigarria, urriak 27
- Urtekaria, abenduak 23

2022 urterako berrikuntzak:

- Arreta berezia jarriko dute gazteei zuzendutako edukiak ekoiztu eta zabaltzen.
- Goierriko Hedabideak kudeatzen dituen hiru webguneetan herritarren ahotsari gero eta leku nabarmenagoa ematen jarraitu nahi dute, eta horretarako sareak eraiki behar dira. Sareak komunitate sendoa behar du bere atzean, eta ondorioz komunitatea antolatzeko urratsak ematen hasiko dira.
- Goierri Telebistarekin eta Segura irratiarekin aukerarik sortuz gero, kolaborazioak egingo dituzte, eta era berean, eskualdeko kolaboratzaile sarea elikatzeko ere balioko dute.

2. EGUNKARIARI LOTUTAKO ATARI DIGITALAK



Beasaingo Udala

Goierrri.hitza.eus ataria. Egunerokoan paperak eskaintzen dituen edukiak sakontzeko aukera ematen du atari honek, eta jarduera osatzeko ezinbestekoa bihurtu da.

2019 urtean erabateko eraldaketa eman ondoren, 2022rako erronka nagusiak honakoak lirateke:

- Harpidetzak egiteko eremua berritzea
- HITZAKideen eremua sakonki garatzea
- Komunitatera kide berriak erakartzea eta daudenak eremua erabiltzea eta bere egitea.
- Atariaren publizitatea ondo lantzea.

3. GOIBERRI

Ostiraletan argitaratzen da, aldizkari formatua du eta eskualdean esanguratsuak diren gaiak jorratzen ditu. Urtean 45 ale argitaratzen dira eta 20 orrialde ditu, baina gaiak hala eskatzen duenean gehiago ere izan ditzake. Aldizkariarekin batera hainbat gehigarri argitaratzen diren urtean zehar: dekorazio gehigarria, Moda eta edergintza gehigarria, eta herrietako festen liburuxkak.

Honako hauek dira 2022 urterako GOIBERRIren gehigarrien zehaztapenak:

- Lazkao eta Legazpiko festak, apirilak 14
- Legorreta eta Beasaingo festak, maiatzak 20
- Dekorazio gehigarria, ekainak 3
- Ordiziako festak, uztailak 15
- Ordizia eta Legazpiko festak, irailak 2
- Moda gehigarria, urriak 7
- Euskaraldia monografikoa, azaroak 11

4. SUSTAPENA

Sustapen arloan landuko dituzten alderdiak:

- Marka indartzen eta sendotzen jarraitu
- Sare sozialen bidez irakurleak eta harpidedunak erakarri
- Harpidedun eta Hitzakide kanpainak burutu
- Gazteei zuzendutako eskaintza bereziak landu
- Bezeroekiko harremanak estutu

5. FIDELIZAZIOA

Harpidedunen fidelizazioa sendotzeko estrategiak landuko dituzte. Horretarako, produktuan parte hartzea sustatuz eta kalitatean eraginez, banaketan ahalik eta zerbitzu onena eskainiz, aparteko zozketa eta opariak eskainiz, bezero arreta zerbitzua gehiago hurbilduz eta Webguneen eta sare sozialen bidez elkarrekintza bultzatuz.



Beasaingo Udala

6. AUTO-FINANTZAZIOA

Finantzabide berriak eskuratzeko ahaleginak bi alderdietatik abiaraziko dituzte: maila komertzialean, publizitatea jarriko dute bezero berriak erakartzeko eta harpidedunen alorrean, HITZAKide kanpainaren bidez harpidedunak eskuratzeko.

Aipatutako jardueren egikaritzeak suposatuko duen aurreikusitako gastu osoari erantzuteko Beasaingo Udalak biztanleko hiru euroko dirulaguntza emango dio.

BIGARRENA. BETEBEHARRAK ETA KONPROMISOAK.

Beasaingo Udalaren betebeharrak dira:

1. Beasaingo Udalak Goierriko Hitza egunkariaren eta GOIBERRI aldizkariaren 3 harpidetza egingo ditu 2022. urtean.
2. Beasaingo Udalak sustatu nahi dituen antzerki eta musika saioetarako sarrera bikoitzak emango dizkio GOIERRIKO HEDABIDEAK S.L.-ri harpidedunen artean zozketatzeko.
3. Beasaingo Udalak eta GOIERRIKO HEDABIDEAK S.L.-k herritarren artean euskarazko prentsaren zabalkunderako elkarlana egingo dute: kultur ekitaldietan presentzia esakainiz, sari moduan harpidetzak emanez,...

Adostutako zenbatekoa duen dirulaguntzaren ordainketa burutzea GOIERRIKO HEDABIDEAKen alde, hitzarmena sinatu ondoren, hitzarmen honen hirugarren klausulan adierazitako ordainketa modua baliatuta.

GOIERRIKO HEDABIDEA S.L.-ren betebeharrak dira:

- 1) 38/2003 Legeak, azaroaren 17koak, diru laguntzen lege orokorrak, 13. artikuluan xedatutako onuradun izateko debekuetan adierazitako egoeretan ez egotea, une honetan eta hitzarmen hau indarrean dagoen bitartean, eta Udalarekiko zerga betebeharrak egunean izatea.
- 2) Zerga betebeharrak eta Gizarte Segurantzarekiko betebeharrak egunean izatea.
- 3) Udal organo eskudunak edo udal kontu hartzaileak burututako egiaztapen eta kontrol jarduketak onartzea, organo hauek, emandako zenbatekoen erabileraren fiskalizazio eta kontrolerako eginkizunak baliatuta, eska diezaioketen informazio guztia emateko betebeharra izanda, 38/2003 Legean xedatutakoaren arabera.
- 4) Udalari jakinaraztea diruz lagundutako jarduerak finantzatzeko jasotako bestelako dirulaguntzak, laguntzak, diru sarrerak edo baliabideak.



Beasaingo Udala

Jakinarazpen hori laguntzak ezagutu bezain laster burutu beharko da eta, edonola ere, jasotako funtsei emandako erabileraren justifikazioaren aurretik.

- 5) Diruz lagundutako jarduerak burutzea.
- 6) Jasotako funtsen erabilera justifikatzen duten dokumentuak gordetzea, dokumentu elektronikoak barne, kontrol eta egiaztapen jarduketan helburu izan daitezkeen heinean.
- 7) Diruz lagundutako jardueren finantzaketaren izaera publikoa behar bezala adierazi eta hedatzea, Beasaingo Udalak helarazitako anagrama eta logotipoak karteletan, oroipen plaketan, inprimatutako materialetan, bitarteko elektroniko eta ikus-entzunezkoetan eta komunikabideetako aipamenetan erabilia.
- 8) Dirulaguntzen Lege orokorraren 37. artikuluan aurreikusitako kasuetan, jasotako funts publikoak itzultzea.
- 9) Eginkizunen garapenean eragin litezkeen kalte guztiak estaltzeko moduko erantzukizun zibileko poliza bat izenpetzea.
- 10) GOIERRIKO HEDABIDEAKek euskararen erabilera sustatuko du programatutako jardueretan. Betiere honakoak kontuan hartuta: 10/1982 Legea, azaroaren 24koa, euskararen erabilera normalizatzeko oinarrizkoa; indarrean dagoen Euskararen Erabilera Sustatu eta Normalizatzeko Udal Ordenantza; eta Beasaingo Udalaren Euskara Sustatzeko Ekintza Plana.
- 11) GOIERRIKO HEDABIDEAKek kontuan hartuko ditu berdintasun irizpideak (4/2005 Legea, otsailaren 18koa, emakumeen eta gizonen berdintasunerako legea, eta 3/2012 Legea, otsailaren 16koa, aurrekoa aldatzen duena) bai elkartearen baitan zein sustatutako proposamenen egikaritzean ere.

HIRUGARRENA. DIRU LAGUNTZAREN ZENBATEKOA ETA ORDAINKETA.

Hitzarmen honen lehen klausulan adierazitako jarduerak garatzeko helburuarekin, Beasaingo Udalak, GOIERRIKO HEDABIDEAK E.L.ren aldeko dirulaguntza nominatibo gisa, 41.814,00 euro ordainduko ditu.

41.814,00 euroko zenbatekoa ondoren zehazten den moduan egingo da:

- Dirulaguntzak %50a (20.907,00 €) hitzarmena sinatu ondoren ordainduko da.
- Gainerako %50a (20.907,00) 2022ko irailaren 30ean, ordainketa aurreratu gisa, betiere egiaztatu bada zerga betebeharrak eta Gizarte Segurantzarekikoak egunean dituela.

Dirulaguntzei buruzko 38/2003 Lege Orokorraren Erregelamendua onartzen duen uztailaren 21eko 887/2006 Errege Dekretuaren 22 artikuluan eskatzen den



Beasaingo Udala

egiaztapena, dagokion Ogasunarekiko zerga-betebeharrak eta Gizarte Segurantzarekikoak egunean izatearen inguruan, Udalak egiaztatuko du datuen bitartekaritzarako plataformetan edo horretarako gaitutako beste sistema elektronikoko batzuetan kontsulta eginez.

- Hala ere, onuradun eskatzaileak berariaz egin ahal izango dio aurka egiaztapen horri; kasu horretan, izaera hori egiaztatzen duten ziurtagiri eguneratuak aurkeztu beharko ditu bere kabuz.

- Onuradunak uko egiten dio aipatutako egiaztapen automatikoari.

Hitzarmenaren xede den dirulaguntza jaso ahal izateko, onuradunak ez du inolako bermerik eskaini beharko.

Hitzarmen honen xede den diru laguntza 2022 ekitaldirako indarrean dagoen aurrekontuko 0230.471.335.40.01 partidari egotziko zaio, behar bezalako nahikoa kreditu duena.

LAUGARRENA. DIRUZ LAGUNDU DAITEZKEEN GASTUAK.

Diruz lagundu daitezke erabat beharrezkoak diren gastuak, jardueraren izaerarekin inolako zalantzarik gabe lotura dutenak eta diruz lagundutako jarduerak egikaritzeko aurreikusitako epearen amaiera baino lehen sortzen direnak. Honela, diruz laguntzeko moduzkotzat joko dira 2022ko urtarrilaren 1etik 2022ko abenduaren 31ra bitartean proiektuaren garapen eta egikaritzetik sortu edo eratorritako gastu arrunt guztiak, betiere aldi horretan zehar modu eraginkorrean egikaritu badira. Egikaritutako gastu gisa ulertuko da hitzarmen honetan ezarritako justifikazio epea amaitu aurretik modu eraginkorrean ordaindu dena.

Ez dira inolaz ere diruz laguntzeko moduko gastuak izango:

- a) Banku kontuetako interes zordunak.
- b) Interesak, errekariguak eta zigor administratibo edo penalak.
- c) Prozedura judizialetako gastuak.
- d) Zuzeneko zergak, berreskuratutako edo konpentsatu badaitezke.
- e) Errentaren gaineko zergak.

BOSGARRENA. BATERAGARRITASUNA BESTE LAGUNTZA BATZUEKIN.

Dirulaguntza hau bateragarria izango da helburu bera duten dirulaguntza, laguntza, diru sarrera edo baliabide guztiekin, edozein administrazio edo erakunde publiko edo pribatuk emandakoak, edo Europar Batasunekoak edo nazioarteko erakundeetakoak badira ere.

Zentzu horretan eta dirulaguntzen Lege orokorraren 19.3 artikuluan xedatutakoa betez, jasotako dirulaguntza guztien zenbatekoa ez da inolaz ere izango, bere horretan edo beste dirulaguntza, laguntza, diru sarrera edo baliabide batzuekin batera, diruz lagundutako jardueraren kostua baino handiagoa.



Beasaingo Udala

Jarduerak finantzatzeko, dirulaguntzaz gain, funts propioak edo beste dirulaguntza edo baliabide batzuk erabili badira, justifikazioan diruz lagundutako jardueretarako erabilitako funts horien zenbatekoa, jatorria eta aplikazioa zehaztu beharko dira.

SEIGARRENA. DIRULAGUNTZAREN JUSTIFIKAZIOA.

Ezarritako baldintzak bete izanaren eta emakidan aurreikusitako helburuak lortu izanaren justifikazioa dokumentatu egingo da justifikatzeko kontu emate baten bitartez. Kontu emate hori onuradunaren derrigorrezko egintza izango da eta barne hartu beharko ditu, deklarazialearen erantzukizunpean, dirulaguntzaren helburua bete dela egiaztatzea ahalbidetzen duten gastu egiaztagiria edo balio juridikoa duen beste edozein dokumentu. Justifikatzeko kontu ematea burutu beharko da 2023ko martxoaren 31 baino lehen, Udalaren aurrean aurkeztuta emandako dirulaguntzaren erabilera justifikatzeko dokumentazio hau:

- 1.- Burututako jardueren memoria.
- 2.- Jardueren gastuaren justifikazio txostena, honako edukiarekin:
 - a) Gastuen zerrenda sailkatua, hartzekoduna eta kontzeptua, zenbatekoa, jaulkipen-data eta, hala badagokio, ordainketa-data adieraziko duena, diruzainak sinatuta.
 - b) Fakturak edo Merkataritzako trafiko juridikoan balioa duten eta administrazio-eraginkortasuna duten froga-balio baliokidea duten gainerako dokumentu guztiak ere, aurreko a) letran aipatzen den zerrendan sartutakoak.
 - c) Dirulaguntzen Lege Orokorraren 31.3 artikulua arabera diruz lagundu daitekeen gastuaren zenbatekoak Sektore Publikoko Kontratuei buruzko Legeak kontratu txikirako ezarritako zenbatekoak gainditzen dituen kasuetarako, onuradunak hornitzaile desberdinen hiru eskaintza eskatu beharko ditu gutxienez. Hori horrela, onuradunak nota horietako gastuak izango balitu jardueraren gastuen justifikazio txostenean, gastu horiek eman aurretik hiru eskaintza eskatu dituela adierazi beharko du, beti ere, kontratatu nahi den obra, hornidura edo zerbitzua emateko beste aukerarik ez badago kontratuaren objektuaren ezaugarri bereziengatik edo merkatuan ez badago behar adina erakunde horiek egin, mailegatu edo hornitzen dituenik.
 - d) Diruz lagundutako jarduera finantzatu duten diru-sarrera edo dirulaguntza guztien erantzukizunpeko adierazpena, erakundearen diruzainak sinatutakoa, horien zenbatekoa eta jatorria adierazita.
 - e) Likidazio ekonomikoa sinatuta.

ZAZPIGARRENA. JARRAIPEN, ZAINZA ETA KONTROL MEKANISMOAK.

Jarraipen Batzorde Misto parekide bat sortuko da, alderdi sinatzaile bakoitzaren aldetiko ordezkari banarekin, Udaleko Alkateak eta erakunde onuradunaren organo eskudunak izendatuko dituztenak, eta batzorde horren helburuak izango dira



Beasaingo Udala

hitzarmena sustatzea eta haren jarraipena burutzea, ager litezkeen zalantzak argitzea eta hitzarmena ebaluatzea.

Batzorde honek eginkizun hauek izango ditu:

- Hitzarmenaren eta sinatzaileek izenpetutako konpromisoen egikaritzearen zaintza eta kontrola.
- Hitzarmenaren egikaritzean ager litezkeen interpretazio eta betetze arazoak ebaztea.

Hitzarmen honetan berariaz aurreikusi ez diren kasuetarako, batzordea arautuko da, 40/2015 Legeak, Sektore Publikoaren Araubide Juridikoarenak, 15. artikuluan eta hurrengoetan xedatutakoaren arabera, administrazio publikoetako kide anitzeko organoen funtzionamendua arautzen dutenak, alegia.

Beasaingo Udalak eta GOIERRIKO HEDABIDEAK S-L.-k solaskide bana izendatuko dute eguneroko jardunean elkarri jakinarazi beharrekoak jakinarazteko eta elkarrekin adostu beharrekoak adosteko. Solaskideak Beasaingo Udaleko kultura eta euskara teknikaria eta Goierriko Hedabideetako kudeatzailea izango dira.

ZORTZIGARRENA. ONARTUTAKO BETEBEHARRAK ETA KONPROMISOAK EZ BETETZEAREN ONDORIOAK.

Sinatzaileetako batek onartutako betebeharrak eta konpromisoak beteko ez balitu, ez betetzea burutu duen alderdiari jakinarazpena helarazi beharko zaio, epe jakin baten barruan bete ez direla uste den betebeharrak eta konpromisoak bete ditzan. Ezarritako epea amaituta, ez betetzeak jarraituko balu, hitzarmena suntsiarazi egingo da.

Dirulaguntzaren onuradunak onartutako betebeharrak eta konpromisoak beteko ez balitu, emandako zenbatekoaren zati proportzionala itzuli beharko du, gehi dirulaguntza ordaindu zen momentutik dagozkion berandutze interesak, 38/2003 Dirulaguntzen Lege Orokorraren 37. artikuluan jasotzen den moduan.

Jasotako zenbatekoen erabateko itzulera edo itzulera partziala burutu beharko da hitzarmen honetan aurreikusitako baldintzak edo udal kontu hartzailetza edo organo eskudunak ezarritako justifikazio betekizunak betetzen ez badira, bai eta diru laguntzen Lege orokorraren 37. artikuluan eta hurrengoetan aurreikusitako kasuetan ere.

BEDERATZIGARRENA. HITZARMENA SUNTSIARAZTEKO ARRAZOIAK.

Suntsiarazteko arrazoiak izango dira:

- Ezarritako indarraldia amaitzea, hau da, 2022ko abenduaren 31.
- Alderdi sinatzaileen arteko ahobatezko akordioa.
- Alderdietako batek bere gain hartutako betebeharrak edo konpromisoak ez betetzea.
- Hitzarmena baliogabetzat jotzen duen erabaki judiziala.



Beasaingo Udala

Hitzarmena suntsiarazteak azkendu egingo ditu alderdiek onartutako betebeharrak eta konpromisoak, eta baita prestazioen likidazioa ere. Helburu horietarako, aplikagarria izango da Sektore Publikoaren Araubide Juridikoaren Legearen 52. artikuluan xedatutakoa, suntsiaraztearen ondorioei eta likidazio eta kalte ordainen araubideari dagokienez.

Hitzarmenaren helburuak bete direla ulertuko da haren xedea burutu bada bi alderdientzat onargarriak diren baldintzetan.

Egikaritze prozesuan dagoen jarduketarik egongo balitz, alderdiek, jarraipen, zaintza eta kontrol batzordearen proposamenari jarraituta, abian dauden jarduketan jarraipena eta amaiera adostu ahalko dute, horiek amaitzeko epe luzaezina ezarrita.

HAMARGARRENA. DATU PERTSONALEN BABESERAKO ARAUBIDEA.

Datuen babeserako araubideari dagokionez, Udalak eta GOIERRIKOHEDABIDEAK S.L-k 3/2018 Lege Organikoak, abenduaren 5ekoak, datu pertsonalak babestekoak eta eskubide digitalak bermatzekoak, aurreikusitako derrigorrezko xedapenak errespetatu beharko dituzte.

Beraz, hitzarmenaren garapenaren ondorioz jasotzen diren datu pertsonalak alderdi sinatzaileen erantzukizunpekoak diren datu fitxategietan sartuko dira eta hitzarmenean aurreikusitako obligazioak betetzeko soilik tratatuko dira.

HAMAIKAGARRENA. HITZARMENAREN INDARRALDIA.

Hitzarmen honen indarraldia sinatzen denetik 2022ko abenduaren 31ra bitartekoa izango da eta ez du luzapenik onartzen.

HAMABIGARRENA. ARAUBIDE JURIDIKOA ETA JURISDIKZIOA.

Hau izango da legeria aplikagarria:

- Udalaren Aurrekontu Orokorra, Beasaingo Udaleko Osoko Bilkuraren 2021eko abenduaren 9ko Akordio bidez onartu zena.
- Beasaingo Udalaren Dirulaguntzen Plan Estrategikoa, 2020-2022 aldirakoa, 2019ko abenduaren 18ko B19/1681 Alkatetza Ebazpen bidez onartu zena.
- 38/2003 Legea, azaroaren 17koa, Diru Laguntzen Lege Orokorra.
- 39/2015 Legea, urriaren 1ekoa, Administrazio Publikoen Administrazio Prozedura Erkidearena.
- 40/2015 Legea, urriaren 1ekoa, Sektore Publikoaren Araubide Juridikoarena.



Beasaingo Udala

- 887/2006 Errege Dekretua, uztailaren 21ekoa, dirulaguntzei buruzko azaroaren 17ko 38/2003 Lege Orokorraren Erregelamendua onartzen duena.
- Beasaingo Udaleko dirulaguntzen udal ordenantza arautzailea, Osoko Bilkuraren 2006ko azaroaren 30eko Akordio bidez onartu zena.
- 9/2017 Legea, azaroaren 8koa, Sektore Publikoko Kontratuena, 4. artikuluan berariaz xedatutakoaren arabera, hitzarmenak legearen aplikazio eremutik kanpo uzten dituen, lege horren printzipioak ager litezkeen zalantzak eta gabeziak argitu eta osatzeko aplikagarriak izan arren.

Administrazioarekiko auzien jurisdikzioa izango da alderdien artean ager litezkeen interpretazio, arazo eta egikaritze gaiak ebazteko eskuduna.

HAMAHIRUGARRENA. BALIABIDE MATERIALAK ETA GIZA BALIABIDEAK.

GOIERRIKO HEDABIDEAK S.L.-k hitzarmen honetatik eratorritako obligazioak betetzeko beharrezkoak diren baliabide materialak eta giza baliabideak izango ditu, baina haren langileek ez dute inolaz ere izango lan arloko loturarik edo lotura juridikorik Beasaingo Udalarekin.

GOIERRIKO HEDABIDEAK S.L.-k, hitzarmen honetatik eratorritako jardueren garapenean, errespetatu egingo du 1/1996 Lege Organikoak, adingabearen gaineko babes juridikoari buruzkoak, xedatutakoa eta, zehazki, haren 13.5 artikuluan eskatutako akreditazioari dagokionez, adingabeekin harremana dakarten lanbideak, ogibideak eta jarduerak burutzeko kasuan.

HAMALAU GARRENA. DIRULAGUNTZA ITZULTZEA.

Dirulaguntzen Lege Orokorraren Erreglamenduaren 90. artikuluan xedatutakoaren arabera, onuradunak jasotako zenbatekoa modu boluntarioan itzuli ahalko du, Udalak aurretiaz halakorik eskatu gabe.

Kasu horretan, diru laguntzaren onuradunak Beasaingo Udalaren aldeko banku transferentzia bat burutu beharko du. Diru sarreran zehaztu beharko dira diruz lagundutako jarduera, espediente zenbakia eta onuradunaren identifikazio datuak.

Dirulaguntzaren justifikazioa aurkeztu ondoren zuritutako kopurua konprometitutako gastua baina txikiagoa balitz, dagokion diru kopurua itzultzeko eskatuko dio Udalak GOIERRIKO HEDABIDEAK S.L.-ri, eta kopuru horri berandutze-interesak gehituko zaizkio.

HAMABOS GARRENA. GATAZKAK EBAZTEA.

Hitzarmen honen aplikaziotik erator litezkeen interpretazio, aldaketa, suntsiarazte eta ondorioen inguruan ager litezkeen gatazkak alderdien arteko akordio bidez ebatziko dira eta, halakorik ezean, alderdi hauek administrazioarekiko auzien jurisdikzioaren eskumenekoak izango dira.



Beasaino Udala

Adierazitakoaren arabera eta sinatzaileei dagozkien ahalmenak baliatuta, hitzarmen hau izenpetu dute, bi aletan, goiburuan adierazitako tokian eta datan.

Leire Artola Ugalde
Alkatea
BEASAINO UDALA

Lierni Ormazabal Insausti
Ordezkaririk legala
GOIERRIKO HEDABIDEAK S.L.

DIRUZ LAGUNDUTAKO JARDUERAREN AURREKONTUA
2022. URTEA

DIRU SARRERAK	AURREKONTUAK
HARPIDETZAK	180.000,00



Beasaino Udala

HITZAKIDEEN EKARPENAK		2.100,00
PUBLIZITATEA		135.040,00
KANPO ZERBITZUAK (maketazioak, aldizkariak, triptikoak,...)		1.600,00
ZERBITZU AGENTZIA TRUKEAK		30.000,00
SUSTAPEN TRUKEAK		22.064,00
GIPUZKOAKO FORU ALDUNDIAREN DIRULAGUNTZAK		300.000,00
GOIERRIKO UDALEN DIRULAGUNTZAK		161.993,00
Altzaga	534,00	
Arama	606,00	
Ataun	5.091,00	
Beasain	41.640,00	
Ezkio	741,00	
Itsaso	330,00	
Gabiria	1.016,00	
Gaintza	244,00	
Idiazabal	2.750,00	
Itsasondo	1.800,00	
Lazkao	11.660,00	
Legazpi	6.800,00	
Legorreta	4.300,00	
Mutiloa	768,00	
Olaberria	2871,00	
Ordizia	20.962,00	
Ormaiztegi	2.496,00	
Segura	4.440,00	
Urretxu	19.607,00	
Zaldibia	4.911,00	
Zegama	3.080,00	
Zerain	846,00	24.500,00
Zumarraga		
		832.797,00

DIRU IRTEERAK	AURREKONTUAK
LANGILE GASTUAK	446.803,00
KOLABORAZIOAK	9.783,00
INPRENTA GASTUAK	108.064,00
BANAKETA GASTUAK	123.546,00
KANPO ZERBITZUAK	50.039,00
FUNTZIONAMENDU GASTUAK	48.084,00
ZERBITZU AGENTZIA TRUKEAK	30.000,00
SUSTAPEN TRUKEAK	22.064,00
	838.383,00



Beasaingo Udala

Erantzukizunpeko aitortpena

Izen-deituraK	Lierni Ormazabal Insausti		
Nortasun zenbakia	agiriaren	72448259F	
Helbidea	Oriamendi kalea, 32, behea		
Posta kodea	20200	Herria	Beasain

Erakundearen izena	GOIERRIKO HEDABIDEAK S.L.		
IFZ	B20848073		
Helbidea	Oriamendi kalea, 32, behea		
Posta kodea	20200	Herria	Beasain

Dokumentu honen sinatzaileak aitortzen du:

- Berak ordezkutzen duen erakundea ez dagoela sartuta onuradun izateko 2017ko martxoaren 27ko 3/2007 Foru Arauak, Gipuzkoako Lurralde Historikoko dirulaguntzenak, 12. Artikuluan adierazitako inolako debekutan.
- Berak ordezkutzen duen erakundea ez dagoela sartuta onuradun izateko arau hauetan aurreikusitako debekuetan eta gaitasungabetzen duten zirkunstantzietan: 2007ko martxoaren 27ko 3/2007 Foru Araua, Gipuzkoako Lurralde Historikoko dirulaguntzei buruzkoa 12. Artikulua-; 2015eko martxoaren 9ko 2/2015 Foru araua, emakumeen eta gizonen berdintasunari buruzkoa -26.3 artikulua-; eta, indarrean dagoen gainerako araudia.

Lekua eta data	Beasainen, 2022ko ekainarenean
----------------	--------------------------------------

Egiaztapen Kode Segurua/Código Seguro de Verificación: **ESKU34e5abd4-2918-457b-85ff-046e84510c9b**



Dokumentu elektronikoa honen paperezko kopiaren osotasuna eta sinadura egiaztatzeko, sar ezazu egiaztapen kode segurua egoitza elektronikoan:
<https://uzt.gipuzkoa.eus?De=01910>

Compruebe la integridad y firma de la copia en papel de este documento electrónico, introduciendo el código seguro de verificación en la sede electrónica: <https://uzt.gipuzkoa.eus?De=01910>